

南漢書

文字略 一

叢錄 二



				漢書門
一	二	三	四	
二	三	四	五	
冊	架	函	號	類

庫	文	閣	內
元		二	漢
函		三	
二	一	三	書
三	二	四	
架	冊	號	類

內閣文庫		
番號	漢	2334
冊數		12 (10)
函號		290 173

載



南漢書

淺草文庫



南漢叢錄卷一

順德梁廷枏章冉輯

南漢書撰成尙多軼聞雜事無年可隸且
例不得入紀傳者隨手錄之彙得兩卷畧
為類次其已見南漢書及考異所經引者
則不復重收將有地理之纂舉凡諸州縣
疆域沿革概未竄入焉雜引舊文故曰叢
錄

南漢叢錄 卷一

湖南帥馬希聲在位多縱率有賈客沈申者常來往番禺間廣主優待之令如北中求寶帶申於洛汴間市得玉帶一乃奇貨也回由湘潭希聲竊知之召申詣衙賜以酒食抵夜送還店預戒軍巡以犯夜戮之湘人俱聞莫不嗟憫爾後常見此客爲崇或在屋脊或據欄檻不常厥處未久希聲暴卒其弟希範嗣立以玉帶還廣人北夢瑣言

按希聲以後唐長興三年卒是年爲南漢大有五年所云廣主益南漢先主襲也

僞吳兵部尙書覃潭言其所知爲嶺南節度獲一橘其大如升將表獻之監軍中使以爲非常物不可輕進取鍼微刺其蒂下乃有蠕蠕而動者因破之中有一小赤蛇長數寸

稽神錄

按十國春秋潭傳高祖時爲兵部尙書考隆演以梁開平二年立時劉隱已爲節度使所云嶺南節度卽隱也

陳氏正州人父志年八十惟依一女及志卒女

哀毀不自得未幾亦死鄉人以其死孝搏像於
龍華寺祀之禱雨輒驗烈宗封爲昌福夫人

國春秋

按惠州府志孝女祠在博羅縣西五十里
梁大同中沙河民陳志年八十獨有一女
志卒女哀毀過甚葬畢亦卒廣州刺史蕭
譽爲立祠曰孝女南漢封昌福夫人禱雨
有應又博羅志志卒無子女幼痛父哀毀
甚矢志不嫁以禮營葬畢乃以其宅爲龍
華寺以田爲祀田令僧世主其祀大同二
年所司以孝聞女尋卒廣州刺史蕭譽立
祠寺側據此則陳氏爲梁大同間人南漢
因而追封十國春秋誤以蕭梁爲朱梁意

以爲劉隱時
人故爲立傳

南漢地狹力貧不自揣度有欺四方傲中國之
志每見北人盛誇嶺海之強世宗遣使入嶺館
接者遺茉莉文其名曰小南強及本朝張主面
縛僞臣到闕見洛陽牡丹大駭歎有縉紳謂曰
此名大北勝清異錄乾和十四年周遣使來聘晟
欲誇嶺南之強館接者遺使者以茉莉文其名
曰小南強蓋譏之也宋時後主入汴諸臣不識

牡丹有朝臣謂之曰此名大北勝蓋報此語國十
春秋

南漢僭創小國乃作平頂帽自冠之由是風俗

一變皆以安豐頂爲尙清異錄

或謂廣東以守則有餘以攻則不足五代時劉
巖承父兄之業擅有嶺南享國者亦且四世此
善守之明驗也方輿紀勝

擒劉鋹知制誥扈蒙草露布至旨召對從福殿

賜金紫玉海

擒劉鋹至闕下欲獻俘太廟莫知其儀時張昭
以戶部尙書致仕於家深識典故國初規制皆
張昭與竇儀所定太祖遣學士李瀚就問俘廟
之儀庶同參酌張昭臥病口占其式以授瀚不
遺一字瀚遂心服昭之賅明玉壺清話

潘美平廣州時入城俘其宗室官屬送汴有宦
者百餘人盛服來見美曰是桀人多矣吾奉詔

伐罪正謂此輩悉斬之

續通鑑長編

嶺表初平上以其民久困苛政思惠養之令吏部銓自襄荆以南州縣選見任年未五十者移爲嶺南諸州通判得携族之官以廣南僞署官送學士院試書判稍優則授上佐合錄簿尉

宋史

選舉志

開寶四年六月丁丑命翰林試南海官取書判優者授合錄簿尉

宋史太祖紀

釋張罪以保興爲右監門率府率左僕射蕭灌爲太子中允中書舍人卓惟休爲太僕寺丞餘並署諸州上佐縣令主簿

宋史張傳

廣南平遣司農少卿李繼芳祭南海除去劉鋹所封僞號及官名易以一品服

宋史禮志

二月辛卯大赦廣南免二稅僞署官仍舊三月丙申詔廣南有買人男女爲奴婢轉傭利者並放免僞政有害於民者具以聞除之

宋史太祖紀

嶺南平范文遷知邕州兼水陸轉運使會南漢知廣州官鄧存忠劫土人二萬眾攻州城七十餘日文殊死戰賜璽書獎之

宋史范文傳

開寶中平嶺表擇廣州內臣聰慧者數十人於教坊習樂名簫韶部改曰雲韶部內宴則用之

澠水燕談錄

胡衍廬陵人俗所謂胡六真人也生於後梁宋初行醫至博遂家焉慕仙道喜與施煉藥搗三

十杵成八百九號胡氏家寶丹治疫疾賴以食活者眾嘗居水簾洞即白玉蟾所稱胎仙也卒之日以火解得舍利三十六大如菉豆色黃紫藏之金盒子二長日倚次日磴椅避亂懷舍利至蘇州驛私金盒棄舍利於溲廟潭真人憑佃人召磴語前事令白於官出椅改氏爲符又云潭底有石形如波獅我在獅子口內每暴雨晴化金龜出曝石上人果有見之者

博羅縣志

五季文章卑陋甚矣然當時諸僭偽其國頗亦有人吾頃遊博白之宴石山號普光禪寺者爲屋數椽而已其山迴絕洞穴奇怪得一碑乃僞漢時人爲寺記特喜其兩語曰蔬足果足松寒水寒

鐵圍山叢談

按碑作松寒竹寒蔡氏誤竹爲水也

鶴奔岡在梧州府城西相傳漢太守劉曜嘗鑿斷岡脊有雙鶴飛去因名又通星山在府城北

六十里南漢劉曜爲太守嘗登此山仰觀星象故名

明一統志

按 大清一統志作鶴飛岡名勝志作飛鶴岡

清凉堂在巖竇之中冷氣逼人外有天門昔外

來繇之南漢狄

按霍山志引此作秋然秋姓少見知文之訛

昭云霍

山有書堂石三教聖賢並聚於此

天下名勝記

君廣州懷集人也五世祖某嘗爲劉氏相所作懷州大陂凡溉田數萬頃民到於今賴之

宋鄭俠林

絢墓志銘

謹案廣西在五代時始則楚馬殷有桂昭賀梧
蒙龔富等州至漢高祖乾祐元年劉晟遣巨象
指揮使吳珣內侍吳懷恩取賀昭二州周太祖
廣順元年懷恩又攻取蒙桂昭宜連梧嚴富昭
柳龔象等州於是嶺南之地盡屬南漢楚所有
惟全州凡薛歐二史所載梁唐諸朝除拜廣西
之官大抵皆遙領而已

謝啓昆廣西通志

廣西在五代時南漢與楚分據其地馬氏亡後
地歸南漢惟全州始屬南唐旋復失之其官之
可考者張巒一人而已

謝廣西志

周邦字容若平南人南漢時官御史大夫以直

節著

大清一統志

周邦白龍元年乙酉梁嵩榜

謝廣

西志

三石山在永安州城南十里僞漢時有兵入靖
江過此黎明遇獵者牽黃犬逐一鹿兵以鎗刺

鹿徐視之石也已而人犬與鹿皆化為石鼎峙道旁今一石尚有鎗痕

名勝志

烏蠻山在橫州東六十里江北古江口

清一統大

志烏蠻一名烏濬即漢谷永所招其上為烏巖

山去州東城六十里偽漢主名巖乃易為烏蠻考異物志稱烏蠻在南海郡之西安南都統司之北即烏濬蠻也古子產國有烏蠻灘焉漢建武中國廢如此則烏蠻之名不起自偽漢矣

名勝

志

大唐新纂七卷南漢石文德撰

阮元廣東通志

按連州志文德連州平合鄉人游湘漢間無所知名天策學士劉昭禹言於馬希範授水部員外郎尋出為融州刺史卒十國春秋亦云文昭王時儼屋長沙考楚文昭王希範以唐長興三年襲位卒於晉開運四年後四年為劉晟乾和九年其年連州始入南漢而文德當希範時已先居長沙因登仕籍不得謂文德為南漢人也

越王走馬埒在縣北十里南漢劉鋹祖安仁為潮州長史時所築其孫隱僭王南越追封南越

南漢叢錄

卷一

九

王其埒上平坦可容數百人遺址尙存

海陽縣志

舍人巷在府治南五十餘步五代時張昭遠為

起居舍人因名

連州府志

按昭遠歸善縣志作明遠

盧循故城在南海縣南六里

元和郡縣志

南漢時以

為倉廩人呼為劉王廩

黃佐廣東通志

按輿地紀要云在郡南十里與廣州隔江相對與此云六里異

倉岡山在四會縣西三里林巒從秀舊傳南漢

劉氏嘗建倉貯兵儲於上故名

明一統志

坡山在南海縣城內西南隅高三四丈

清一統志

志向在江干相傳晉時渡口故稱坡山古渡頭

山為劉龔所鑿竟成培塿其頂有丹竈其陽有

穗石

廣州府志

青螺嶂在番禺城南四十里

廣東輿圖

嶂高五百丈

一名白鹿岡相傳劉龔時獲白鹿於此

黃廣東志

雙女山在南海縣西十五里一名鳳山宋史潘

美等伐南漢渡瀧頭之險至馬徑砦於雙女山

劉鋹出降卽此

大清一統志

席帽山在番禺雙井街高二十餘丈周六里許

有南漢郊壇址

黃廣東志

朝漢臺在廣州城西硬步五代南漢郊天於此

亦名郊臺舊志在郡北席帽山者非

郝玉麟廣東通志

蓮花峰在韶州東五里形似蓮花故名

輿地紀勝宋

史潘美伐南漢劉鋹使其將李承渥列象爲陣

拒美於蓮花峰下卽此

大清一統志

灑江巡司在清遠縣東一百三十里

大清一統志

卽匯口宋潘美克南漢之郴州劉鋹懼使邵廷

瑁屯洸口是也

方輿紀勝

瀧頭水在英德縣南十五里源出翁山經象岡

至此與瀧水合瀧水卽溱水也其地險隘兩山

夾峙水多激石宋史潘美伐南漢克英州次瀧

頭卽此

大清一統志

封川之西十里許有大村墟曰江口相傳爲舊
縣治云受西粵灘鬱黔賀諸水卽僞漢劉龔命
蘇章沉鐵纆敗楚軍處也

龍頭廟碑

海豐縣宋師嶺宋師伐南漢時聚此累土爲階

汲故跡尚存

郝廣東志

沃野一望四百餘丈舊水道

不通宋師至舟不得渡遂鑿而通之上五里有

嶺號宋師嶺

黃廣東志

瀧頭水在英德城南五十里宋潘美等次瀧頭

後主遣使請和卽此

郝廣東志

南溪山在臨桂縣南五里

太平寰宇記

白龍洞在南

溪平地半山中龕有大石屋由屋右壁入洞行

半塗有小石室

桂海虞衡志

五代漢末南漢謀并靜

江地湖南遣兵屯龍洞以拒卽此

統志

大清一

信都鎮賀縣南一百里卽古南鄉鎮宋潘美圍

賀州南漢將伍彥柔趨援美伏兵南鄉岸擒彥

柔卽此舊有巡司今因之

大清一統志

海門鎮博白縣東南百五十里晉天福二年交
州亂南漢劉龔圖取其地屯兵於海門是也

方輿紀要

百寶水有稻田自海中浮來上魚藻門外

番禺縣志

正州故城河源縣西南一里南漢劉鋹築

惠州府志

梁斐高祖時刺韶州始築韶州城

阮廣東志韶州府

城即始興故城漢城在瀆水東蓮花嶺下隋城

在武水西地勢卑濕五代南漢移治於中白龍

二年始築州城

方輿紀要

韶州南華寺有達摩衣鉢鉢有一痕偽劉公主

所觸今寺補鉢莊即公主捨也

貴耳集

南漢廢宮在南海縣子城中五代史南漢世家

劉氏有南宮大明昌華甘泉玩華秀華玉清太

微諸宮凡數百不可勝記今盡湮廢

大清一統志

鋹之宮輒名龍德

邵氏見聞錄

有離宮在藥洲上

黃廣東志

甘溪陸公亭在廣州府城北五里北山下吳刺史陸允築堤瀦水以便民汲民德之建亭溪上唐節度使盧鈞復加疏鑿以濟舟楫更飾廣廈爲踏青游覽所南漢廣之爲甘泉苑中有泛杯池濯足渠避暑亭卽今諱諱水也黃廣東志

劉王花塢卽劉氏華林園在郡西六里名半塘有桃梅菱蓮之屬輿地紀勝又有芳華苑芳春園俱在城北黃廣東志

又望春園在城南二里許今已盡爲民居惟花塢故址僅存大清一統志

昌華苑一名顯德園亦僞劉故址也在荔枝灣廣袤數十里又芳華苑在干佛寺側桃花夾水一二里可以通舟黃廣東志劉鋹設紅雲宴於此粵中見聞

玉液池僞劉所築中有明月峽含珠亭紫雲閣每端午宮人競渡其間勾漏集

廣州府城堞因山分爲二東爲歌舞岡越王臺

其西爲觀音閣山半爲呼鸞道偽漢劉龔故蹟

也廣州遊覽小志劉龔時鑿石爲呼鸞道折而北有歌

舞岡龔時夾道栽菊建樓觀於其上一名越井

岡亭之上有小池雖極旱不竭番禺志郡城稍北

觀音山有越王臺劉龔時疊石爲呼鷹道有歌

舞崗龔夾道栽菊九日登高勾漏集

番山在南禺山在北聯屬如長城南漢鑿平之

就番山積石爲朝元洞後改清虛洞復以沉香

爲臺觀於禺山勾漏集番山禺山劉龔皆鑿平之

廣州府志

越臺井鑿自佗時深百尺泉味甘冷南漢號玉

龍泉黃廣東志南漢劉龔號玉龍泉禁民不得汲南海

古蹟記登粵秀山轉而西行憇悟性寺中東苑一

井視九眼殊勝蓋越井岡偽劉王玉龍泉也明黃

諫廣州水記

碧落洞在英德縣南十五里下通溪流懸石如

霓旌羽蓋狀旁有小洞曰雲華深不可測

大清

一統志

南漢主晟嘗假宿其中命侍臣鍾允章撰

碧落洞天盤龍御室記

郭廣東志

崑崙清界南漢立殿未成遺址尙在

黃廣東志

流花橋在廣州城北南漢建按流花不詳何代
所建據方殿元流花橋歌云橋邊昨日鶯亂啼
桃花無主飛東西一西一東何處止夙恨殘香

逐流水流花不減粵玉臺芳春園內百花開素
馨夜染同心髻茉莉香浮長命杯紅粉憑闌看
比日顧影鴛鴦相對浴只恨無因致牡丹那知
天意多翻覆秋去春來水自流兩岍青青草色
幽又向橋南作王府移花種上越王頭是爲南
漢所建無疑矣

阮廣東志

提督學院署在內城九曜坊卽南漢南宮舊址
阮廣東志

志載劉龔時鑿湖五百餘丈聚方士煉藥於此
洲以是名但閱宋許彥先詩有花藥氛氳海上
洲之句恐是會栽紅藥故云藥洲水中有九曜
石云皆罰罪人移自太湖及三江所產者太湖
途遠安得致此恐屬訛傳 張明先學署考古記
布政司署乾寧初為清海軍節度司南漢潛竊
多所變易名節度府曰乾和殿其西改構景福
思元定聖龍應等官 阮廣東志

遊羅浮山者自龍華寺

有福昌夫人祠

七里登山循延

祥而東七里餘抵冲虚觀丹竈衣冠塚蓬萊閣
後遺履軒銅玉皇像及二侍從三尊南漢所鑄
者觀之西北曰長壽觀本南漢天華宮今呼為
南天宮自冲虚觀會仙橋東行三里餘抵明福
觀南漢建亦名九天觀 惠州府志

長安塘上有橋曰奉宸南漢僞主由此往天華
宮故名其前古松七株上凌霄漢仙靈常此憩

息後有七星壇葛仙履綦在焉

博羅縣志

宋轉運使司署在廣州航海門內仙湖街開寶

六年廣南平其後置轉運使嘉祐中始定置司

署改偽漢南宮爲之

黃廣東志

南漢叢錄卷一終

南漢叢錄卷二

順德梁廷枏章冉輯

東西南北二十八寺列布四方偽劉所建上應

二十八宿尙大半無恙今各以寺名爲詩東七

寺詩慈度天王更覺華蒼龍東角梵王家普慈

化樂成塵土興聖猶兼覺性誇西七寺詩文殊

千佛顯真乘水月光中見定林昭瑞當時連集

福咸池今日應奎參南七寺詩井軫南宮煥寶

南漢叢錄

卷二

光千秋古勝並延祥祇今兩寺無名字地藏旁
聯四實方北七寺詩國清尊勝北山隅證果報
恩同一區地藏荒蕪并報國尙餘悟性斗牛墟
南海百詠

海珠慈度寺舊在州東舊志載南漢大寶間始
創合南海定林等二十八寺列於郡之四方以
應列宿自東之慈度寺至南之地藏等十四寺
則番禺縣地今慈度寺乃番禺東南十四寺之

一也 王文鳳慈度寺記

大通寺在河南大通津上 南海百詠 五代劉晟時名

寶光寺 郝廣東志

海幢寺在河南蓋萬松嶺福場園地也舊有千

秋寺址南漢所建廢爲民居 嶺海名勝紀

菖蒲觀覺真寺並在蒲澗東坡詩云昔日菖蒲
方士宅後來薜蘿祖師禪是以寺爲安期生宅
也而圖經載遺履之事乃以觀爲宅今未詳觀

今名碧虛中有劉氏碑東坡題名其上郡人歲以正月之二十五日為蒲澗節帥使而下傾城來遊南征錄云正月二十五日乃劉王生日南海百詠

仁壽光運寺在曲江縣西

大清一統志 隋時名仁

壽臺唐天寶有道廣者居之因名廣戒寺

黃廣東志

南漢改曰仁壽

武夷集

資福寺在東莞縣禹餘宮使邵廷瑁建週圍四

井為界有羅漢閣舍利塔

明一統志

華嚴寺定慧寺在四會縣貞山都南漢建

肇慶府志

宴石寺在縣城西南六十里宴石巖唐節度高

駢建南漢大寶間都監劉崇遠重建

博白縣志

博羅縣寺曰延慶在浮碇岡下五代時建

興寧縣志

古塔在縣北五里南漢置齊昌府治建今廢僅

存故址

興寧縣志

按惠州府志作縣北三里

鎮象塔在東莞西南南漢禹餘官使邵廷瑁建

南海古蹟記時有群象害稼官捕殺之廷瑁聚骨建

石塔以鎮在資福寺南金光祖廣東通志

按塔記今殘缺已無年歲名字可考詳南漢書考異

明福觀在羅浮山朱明洞東南南漢建即泉源福

地大清一統志

紫明觀在博白城西南六十里金鉞廣西通志在紫陽

巖南漢劉崇遠建博白縣志

韜真觀在北流縣東北勾漏山南漢時建明一統志

出白沙洞而西左右皆小峰相對山北平疇孤

烟落照茅茨篁竹間始有人居曰道村其東南

諸峯間見層出寒松古樾蓊鬱杳藹有洞掩映

其間曰韜真觀中有石碣記南漢時中官陳君

所經營及今近二百年醮壇道院故址盡沒榛

莽左右二石室其深四五尋其一狹而長捫壁

度穴直抵玉虛洞後山而出讀其碣云巖洞多

嵌空或深數尺遂積土以實之予陋之曰凡石以嵌空爲奇政欲空所有安可實所無哉元吳元美

記畧

靈臺觀在北流縣勾漏山

明一統志按圖經有此觀

久矣南漢始更今名殿庭卑隘門徑荒蕪碑碣可考可詢令人慨歎不已觀東百餘步有龍潭洞觀後二小洞南向者曰太陽有浮屠像其北曰太陰淺塞不通然名義所稽第恐俚語以南

北分陰陽耳故附書之或有知其詳者

元吳元美記畧

光孝寺庫中有銅釋迦像一尊高一丈羅漢一

十六尊各高二丈鐵塔二座各高二丈二尺四

面七層有千佛如來像南漢大寶二年鑄乃開

元寺舊物也

黃廣東志

淨慧寺有銅羅漢十六劉氏時物也

黃廣東志

海光寺在新安縣南門外相傳南漢時有鐵佛在海中夜有光因建寺祀之

大清一統志

又有石

魚亦南漢時物

金廣東志

昭州光孝寺銅佛一軀五代偽劉時所鑄後有

維大漢大寶四年

輿地碑目

昔鑲及二子各範銅為像少不肖即殺冶工凡

再三乃成今尚在天慶觀中東廡

南海百詠

修慧院在東莞縣東監南漢大寶三年內承宣

使劉廷威鑄鐘二百五十觔置院中後改慧雲

寺

廣州府志

南漢乾和白石秀林之記在桂平

謝廣西志乾和三

年歲次乙酉奉勅鑄石玉皇儀像侍衛九軀并

修金錄齋慶讚記臣吳可一撰

輿地碑記

宴石寺在博白縣西六十里南漢建內造銅鐘

鐵佛五百羅漢

明一統志

古銅鐘在崇善縣上刻大漢乾和四年辛亥鑄

於東禪院

金廣西志

南漢銅佛識在平樂

謝廣西志

報恩光孝寺殿貯銅

佛一軀跌坐蓮花中五代偽劉時所鑄高一丈二尺濶六尺座高七尺縱濶一丈巨拇圍五寸他稱之金蘭寶陣皆銅所范妙極精巧後有識云維大漢大寶四年

輿地碑記

紫陽巖博白縣南六十里巖洞清虛萬象森列

上連碧崖下瞰清泉最爲幽勝

大清一統志 南漢

劉崇遠所鑄鐵佛像銅鐘古碑存焉

金廣西志

劉王墓郡北山七里有雷洞亦劉王墓也南海

百詠俗謂偽劉雷將軍墓又云劉氏時所鑿謂之雷藏欲以饗雷事見番禺襍志然其上因山爲之初不封樹近歲爲風雨所圯方洞見其中識者亦疑爲趙佗墓

黃廣東志

崇正九年秋北亭洲間有雷出奮而成穴一田父見之投以石空空有聲乃內一雄鷄其中夜盡聞鷄鳴於是率子弟入堂宇豁然珠簾半垂左右金案玉几備列有金人十二舉之各重十

五六斤中二金像冕而坐若王者與后重各五六十斤旁有學士十八以白銀爲之地皆金蠶珠貝所築旁有便房當牕寶鏡大徑三尺光燭如白日寶硯池中有玉魚能游動碧玉盤一以水滿注其中有二金魚影浮出他珍異甚眾田父先持鏡歸光動隣舍亟碎之有一珠入夜輒作怪狀懼而棄之於是隣人覺而爭往遂白令令亟臨其地視搜發令得玉枕一金人四以歸

玉枕作卧虎形長可尺許大小珠見風悉化灰土口含之而出乃得完好承棺有黃金磚四棺旣斧碎有懷其齒髮以出者一碑當穴門中立辭稱高祖天皇帝哀册文翰林學士知制誥正義大夫尙書右丞相紫金袋臣盧應敕撰並書其所爲大帝者崩於歲壬寅四月甲寅朔廿四日丁丑號爲大有十五年葬以光天元年蓋

劉龔墓也

精華錄訓纂

按此與曝書亭集互有同異集作右丞上紫金帑此作右丞相無上字相上同音朱竹垞先生得自陳元孝先生口述或緣音同而誤也

博大山在番禺縣東北四十里下有銅鼎溪今

湮其東有昭陵山南漢陵寢在焉

統志

大清一

南漢清海軍副使陳息卿墓在番禺陳家村

金廣

東志

宋刑部尚書李廷珙墓在陽山縣將軍坑白水

城 連州志

中書舍人知制誥胡賓王墓在大塘毬岡

乳源縣志

銀青光祿大夫刑部尚書唐承裕墓在全州城

西官道覺山下 李紱廣西通志

邵柱國祠在英德縣泚口巡司右宋開寶三年

祀南漢時邵廷珙 郝廣東志廷珙東莞人邵村者卽

其遺族也 陳璉哀恍口詩序

石洞神周氏高要人唐貞觀初封真正公劉漢

加王爵 七星巖志

南漢叢錄

卷二

九

清瀧廟在雷豐鄉祀李尙書康熙六十年建按
今雷豐鄉清瀧灘卽清有古墓相傳爲李尙書
墓康熙六十年旱西岸司巡檢禱雨於此俄得
大雨遂立廟焉在墓之左其墓今名尙書墩陽
縣志

按志稱李尙書卽李廷珙入宋官刑部尙
書故云

嘉應廟在平落府城北祀宋御史周渭凡祈禱
必應累封靈濟忠顯惠烈王 明一統志

杯渡山在城南二十里廣州府志東莞舊志山在縣

南二百八十里卽屯門山也枕居大海遠望黃

木灣正相對南漢大寶二年封爲瑞應山今有

瑞應巖虎跑泉 大清一統志

潮水泉在貴縣西六十里其水盈涸不時南漢

封其神爲澄瀾公凡祀饗時或日三四十潮明一

統志

龍腹井在貴縣北二十里水深三尺觀之則濁

汲之則清歲旱禱雨輒應漢封其神爲清源公
明一統志

峻靈山一曰神山嶺延袤十里九峯爲縣主山
俗名落膊崗漢封其神爲鎮海廣德王上有石

池石峯石船凡旱澇患難疾病往禱輒應

昌化縣志

在城東北十里舊名神山高百餘丈上有石如
帽黎人呼爲落膊石五代時望氣者言山有寶
畚人艤舟其下鑿石求之夜半大風碎其舟南

漢封鎮海廣德王

瓊州府志

射木神祠在陽春縣射木山南漢封儲休侯昔
江南李氏無子一夕夢神託生爲嗣因名符後
登第麻官知春州辭其母曰兒往必不歸矣逮
抵官謁祠下顧瞻門廡若舊所覩未幾卒自符
之生而廟食廢及其卒而廟復靈

明一統志

周王祠在恭城縣治東祀宋周渭

大清一統志

渭建隆初由桃源舉進士走京師以書干藝祖

皇帝畫下嶺表之策太宗時爲御史乞不受錫
賜願充昭州所收百姓秋苗耗米鄉人德之爲
立祠徐俯爲記 方輿勝覽

白馬廟在平南縣東六十里五代時梁嵩乘白
馬行至東濠墟沒於水鄉人立廟祀之 郝浴廣西通志

公名崧字子高旣得請歸里至東濠墟急於見

親野渡無舟乘白馬過沒焉 明李鰲白馬廟碑畧 南漢翰

林學士梁嵩墓在桂平縣麒麟山 金廣西志

五代僞劉時僧惠進作瑞像記立於中閣院殿
側 輿地紀勝

瓊州乾亨寺鐘在開元寺有南漢乾和九年鐘
銘 輿地紀勝

拓路題記在潮陽南漢大寶三年十一月正書
寰宇訪碑錄

陵山劉氏墓予嘗摩挲斷碑但見其詞皆是葬
婦人墓誌 南海百詠

石塔殘字存按碑在博羅羅浮山寶積寺門外
與南漢乾和石幢對峙四層中斷年代不可考
所存之文皆佛語以字法考之疑亦南漢物也
阮廣東志

劉龔僭據業承先世身為蛟蜃恣厥吞噬乃自
謂膺乾符執坤樞熙鴻名恢駿圖鑿翠闢郭繚
瀛作都雙闕微道九軌經途門千戶萬宿衛周
廬構乾和之寶殿法太紫之規摹抗應龍於闔

闔耀玉題與金鋪采恩洞泐以迤邐藻井狎獵
以紛敷後宮則有禹餘太一景福龍應玉清思
予南宮定聖南薰別殿北接明光椒鶴貫魚袵
服靚裝温室甲帳永巷迴廊飾華棖以懸黎緣
繡栢以璧璫苑囿則有昌華芳華甘泉望春飛
橋跨沼崇桃映津泛杯濯足翼翼鱗鱗離宮閒
館亘五十里呼鸞載道引以蘭綺蒼蚪銜綏白
澤衛軹時升中於圓邱或耕籍於東鄙復通鄰

而耀武啟封疆而自喜左三湘而右八桂控賁
禺而役交趾又有玉液之池明月之峽含珠之
亭紫雲之閣桀壁對峙沈泉旁達脩篁灌木青
翠相發風露披瀆於翳薈日月投光於巖穴踈
名勝而建浮屠宮於四周者二十有八叶列宿
之景曜金磬鏗鐃而互答遵彼北川迄於西城
層軒疊閣建鼓揚舩宮娥競渡貂璫練兵招羽
人於藥洲陳不死之丹經又有三事六官府署

司院蘭臺石室濟濟儒彥虎鷓開幕闌戟戎弁
張酈列庫征權充羨金陵供御紅雲設宴蟾姬
瓊仙握爵銜憲學士自宮以求進才人調謔而
相見乃設水獄乃樹刀山槐棘之貴就僂猶營
虐焰散於黃壚腥德通乎乎間民亦何辜羅此
凶艱 黃佐粵會賦畧

隱興滅年世諸書皆同蓋自唐天祐二年隱爲
廣州節度使至宋開寶四年國滅凡六十七年

舊五代史以梁貞明三年龔僭號為始故曰五
十五年耳 五代史記原注

南漢叢錄卷二終

南漢文字畧目錄

卷一

文目

南漢文字畧

與楚馬希隱書

後主

贈故僧文德匡聖宏明大師教

南漢文字畧

南漢文字畧卷一終

南漢文字畧目錄

卷一

文目

三主

與楚馬希隱書

後主

贈故僧文偃匡聖宏明大師敕

黃損

南漢文字

目錄

畧

諫興建宮室疏

梁嵩

倚門望子賦

鍾允章

雲華御室記

王定保

唐摭言科第總序

摭言諸論

摭言贊

摭言科第散序

卷二

陳十八郎

尊勝經石幢記

雷嶽

匡真大師塔銘

龔澄樞

南漢文字

目錄

畧

法性寺西鐵塔銘

李托

法性寺東鐵塔銘

陳守中

匡聖宏明大師碑銘

僧神坦

長慶寺鐘款

吳懷恩

感報寺銅鐘款

劉崇遠

新開宴石山記

僧義初

寶林寺鐘款

僧宗愨

乾亨寺鐘款

缺名

南漢文字

目錄

三

畧

鎮象塔記

長壽寺鐘款

卷三

詩目

黃損四首

張瀛一首

趙損二首

鐘允章一首

文丙四首

王定保一首

王詡一首

蔣吉七首

謝孚一首

林楚材一首

王言史一首

徐鹽一首

南漢文字

目錄

四

畧

周渭一首

周濟三首

林衢一首

石仲元一首

古成之二首

僧卿雲四首

無名氏一首

附

趙氏一首

先主石讖

羅浮劍文

廣州童謡

卷四

附

閩祭劉隱文

劉昌魯致楚書

南漢文字

目錄

五

畧

梁末帝命錢鏐進取海南劉巖敕

南唐致劉鋹第一書

南唐致劉鋹第二書

宋潘美等露布

閩詹敦仁復留從効問劉巖改名音義詩

南漢文字畧卷一

順德梁廷枏章冉輯

文錄

三主

名晟諡文武光聖明孝皇帝廟號中宗

遺楚靜江軍節度副使馬希隱書

武穆王奄有全楚富強安靖五十餘年正由

三十五舅三十舅兄弟尋戈自相魚肉舉先

人基業北面仇讎今聞唐兵已據長沙竊計

南漢文字

卷一

畧

桂臨繼為所取當朝世為與國重以婚姻觀
茲傾危恐不赴救已發大軍水陸俱進但令
相公舅永擁節旄常居方面

按南漢先主娶楚王馬殷女故書內稱希
廣三十五舅希萼三十舅希廣希萼皆殷
子也

後主

名錢入宋封恩赦侯薨封南越王

贈故僧文偃匡聖宏明大師敕

定永澄源火蓮發艷夙悟無生之理永留不

朽之名萬象都捐但秘西乾之印一真不動

唯餘

一作發

南祖之燈韶州雲門山證真禪寺

匡真大師早契宗乘洞超真覺雖雙林示滅

十七年靡易金軀隻履遺蹤數萬里應迴慈

嶺朕顯膺麻數纒

一作纒

嗣丕圖泊三朝而並

切皈依乃一心而不忘迴向仰我師而獨登

果位在冲人而良所嘆嘉宜行封賞之文用

示褒崇之典可贈大慈雲匡聖宏明大師證

畧

真禪寺宜昇為大覺禪寺

黃損

字益之連州人梁龍德二年進士仕先主官至尚書左僕射著有桂香集若干卷射法一卷南漢書有傳

諫興建宮室疏

陛下之國東低閩粵西逮荆楚北阻彭蠡之波南負滄溟之險蓋舉五嶺而表之犀象珠玉翠玳果布之富甲于天下所謂金城湯池用武之地也今民庶窮落而工役繁興天災

人怨兵家所忌苟或不虞其何恃以為戰且湖洛未平荆吳狂狡正宜務農息民以宏聖基庶遏強敵乃縱耳目之好盡生民之膏興土木之工傷樸素之化供一己逸欲而失天下心臣竊以為陛下不取也

梁嵩

潯州桂平人白龍元年舉進士第一官翰林學士南漢書有傳

倚門望子賦

蒼蒼茫茫道遠倚倚望望情傷念遊子之久

南漢文字

卷一

三

別役慈心於遠方渺渺何之動幽懷於眷戀
滔滔不返向上國以觀光當其截髮投師操
心託迹遙望帝都俯登紫陌嚙臂於衛國門
前題柱於昇仙橋側擔簦日久希寸祿以資
榮負米程遙仗何人而請益征輪蓬斷別騎
塵飛睇盼睠睠凝思依依欲麻而既升雲路
遙憐而獨倚柴扉汨沒難明我則每晨昏而
悵望宗支有託汝曷無早晚以言歸常曠望

於烟霄每淒涼於蓬華杳杳兮故鄉寂寂兮
舊室幾行雁陣空來萬里家書難述水聲遽
驚懷古之思別恨惟對秋風之夕眷戀徘徊
愁心靡開抑鬱之情恒自切湮淪之事有誰
哀駕一葉之津涯誠難去矣聽孤鴻於碧落
得不悲哉想彼淹留傷予離索躊躇兮不止
優游乎何托盈庭之蕙草徒榮滿眼之蘆花
自落楊朱陌上蕭條而恨淚潛潛漢武臺邊

畧

宛轉而殘霞漠漠恨陸海之高深念行役以
難尋憶昔伯俞之志寧無泣杖之心見月而
常憐獨坐聞蛩而每憶寒吟動茲懷土之思
惟憑蜀魄觸爾還鄉之計暗托秋砧嗟夫峨
峨仲邱殷勤士子獻書之數復何如干祿之
心幾時止遣我日日望紅塵此心終未已

鍾允章

其先邕州宣化人徙番禺先主時舉進士累官中書舍人三主時遷工部郎中知制誥後主立擢尚書左丞參知政事宦官許彥真誣以謀反族誅南漢書有

傳

雲華御室記

大漢享國之三十有三祀龍集己酉季冬莫
開十四葉上以萬機有暇四海無波時屬祈
寒節當東狩九卿扈駕百司隨鑾巡英州舍
於閭石翼日排仙仗整翠華羽衛星羅旗幢
雲布嶽靈警蹕風伯清塵上衣龍章絳袍曳
鳳文翠綬佩流黃鏤金之劍御飛靈凌崖之

南漢文字

卷一

五

畧

輿幸茲盤龍石室者也伏惟大聖文武元德
大明至道大廣孝皇帝陛下聖惟天縱功格
帝堯味道探元章真元之化端拱垂袞返淳
朴之風百度惟貞九圍承式因訪清虛之景
爰追汗漫之遊斯山之勝槩也得非元化興
機巨靈運智丹臺璿室真爲上帝之居乳竇
芝房宛是長生之境白犬吠而壺天晝永幽
禽語而洞壑雲深神草含華元泉瀉瑞于是

拂石牀而設御停玉輦以凝旒遂感龜鶴呈祥
河宗效器俄頃有一道流衣短褐斂容而至
自稱野人本無姓名云昔時葛先生於此石
室煉丹砂藥成息焰躡雲而舉今野人且伏
火延神秘丹於靈符并云後五百載當有真
人降此子宜以其還丹呈獻昨畧筭之起重
光單闕之歲迄屠維作噩之年將四百九十
紀果今金德主來幸驗真君之言明矣野人

畧
因匍匐而來上喜聞所陳問僊者靈丹何在
野人曰咫尺耳遂捫蘿於峭壁中取出一小
石函函上有金書古篆題九蛻之丹四字內
有神丹七粒大如黍粟光影射人僊者開函
取丹躬自持獻野人遽旋踵隱入石縫間罔
知厥止時有近臣奏曰聖上德契元微感茲
靈異尚以兆民係念四海爲心雖獲還丹未
宜輕服上然所奏遂屏左右迺召從臣吳懷

恩捧丹隨御於石室深邃處鑿石秘之眾莫
知矣擇日亟命道衆設壇場陳齋醮以申告
謝靈貺由是龍顏開豁圓蓋舒情緩撫瑤琴
弄流泉之激越親灑宸翰奮睿思之縱橫奏
九成之簫韶烟霞縹緲感百獸之率舞洞府
喧闐羣后子來皆朝於禹會眾僊萃至競祝
於堯齡微臣榮列紫垣獲隨鑾輅紀僊靈秘
奧之事媿乏好辭頌聖朝煥克之功慚無麗

畧

藻拜承綸旨伏積兢惶

按諸書所載少有異同飛靈五代史記注本作靈飛章真之章十國春秋本作奉瀉瑞之瑞南漢春秋本作湍以凝旒之以作而而舉之而作西今野人果今兩今字十作春秋皆作令九十紀之紀作祀真君之真作其持獻之持南漢春秋作捧又十國春秋九蛻之丹下有四字兩字註本則無之今統從註本考其異文且補所缺

王定保

南昌人第唐光化三年進士任先主官寧遠度節使進中書侍郎同平章事著唐摭言十五卷南漢書有傳

唐摭言科第總序

周禮鄉大夫具鄉飲酒之教考其德行察其道藝三年舉賢者貢於王庭非夫鄉舉里選之義源於中古乎夫子聖人始以四科齒門弟子後王因而範之漢革秦亂講求典禮亦解循塗方轍以須賢俊考德行則升孝廉而激浮俗掄道藝則第雋造而廣人文故郡國貢士無虛歲矣繇是天下上計集於大司徒府所以顯五教於萬民者我唐沿隋法漢

畧

孜孜矻矻以事草澤琴瑟不改而清濁殊塗
丹漆不施而豐儉異致始自武德辛巳歲四
月一日敕諸州學士及早有明經及秀才俊
士進士明於理體為鄉里所稱者委本院考
試州長重覆取其合格每年十月隨物入貢
斯我唐貢士之始也厥有沿革錄之加左

撫言諸論

永徽之後以文儒亨達不由兩監者稀矣于

時場籍先兩監而後鄉貢蓋以朋友之臧否
文藝之優劣切磋琢磨匪朝伊夕抑揚去就

與眾共之有如趙邵蕭李

趙驩邵軫蕭穎士李華

婁郭

苑陳

婁師德郭元振苑咸陳子昂

靡不名遂功成交全契

分泊乎近代厥道寢微玉石不分薰蕕錯雜
長我之望殊缺遠方之來亦乖止謂羣居固
非瓦合是知生而知之者性也學而知之者
習也渾金璞玉又何追琢之勞乎潢汙行潦

南漢文字

卷一

九

畧

又何板築之置乎紵衣之獻彼跡疎而道親也畫龍之刻斯面交而心賊也後之進者定交擇友當問道之何如

孟軻言遇不遇命也或曰性能則命通以此循彼匪命從於性耶若乃大者科級小者等列當其角逐文場星馳解試品第潛方於十哲春闈斷在於一鳴奈何取舍之源殆不踵此或解元永黜或高第尋休黃頰以洪輿文

章蹉跎者一十三載劉棻以平漫子弟汨沒者二十一年温岐濫竄於白衣羅隱負冤於丹桂由斯言之可謂命通性能豈曰性能命通者歟苟怫於是何姦宄亂常不有之矣子曰不怨天不尤人下學而上達又曰求己不責於人君子振跡發身咸覲善地反之於己何得喪之不常望之於人則愛憎之競作王冷然之負氣惟命何疏魏丞相之復仇尤

人太過陵轍險詖二子得之有若李文公誨
弟之書華良夫干時之啟所謂君子之儒也
徐凝馬植豈非得之且武當垂名於不朽尹
璞所謂雖文何益後之學者得不以為炯戒
哉

科第之設沿革多矣文皇帝撥亂反正特盛
科名志在牢籠英彥邇來林棲谷隱櫛比鱗
差美給華資非第勿處雄藩劇郡非第勿居

斯乃名實相符享達自任得以惟聖作則為
官擇人有其才者靡捐於甕牖繩樞無其才
者詎繫於王孫公子莫不理推畫一時契大
同垂三百年擢士眾矣然此科近代所美知
其美之所美者在乎端己直躬守而勿失昧
其美之所美者在乎貪名巧宦得之為榮噫
大聖設科以廣其教奈何味道由徑未旋踵
而身名俱泯又何科第之庇乎矧諸尋芳逐

勝結友定交競車服之鮮華騁杯盤之意氣
沽激價譽比周行藏始膠漆於群強終短長
於逐末乃知得失之道坦然明白邱明所謂
求名而亡欲蓋而彰苟有其實又何科第之
闕與

范宣之三立德居其首夫子之四科行在其
先矧乃五常者總之於仁百慮者試之於利
禍福不能迴至德貧富不能窺至仁夫炯戒

之倫而窮達不侔者其惟命與苟屈諸道又
何窮達之異致矣

書云人無常師主善為師於戲近世浮薄率
皆貴彼生知恥乎下學質疑問禮者先懷愧
色採微頤奧者翻汨沈流風教頹圯莫甚於
此由是李華自曰師於茂挺李翱亦曰請益
退之于時名遂功成才高位顯務乎矯俗以
遏崩波盛則盛矣方之繆公以小吏一言北

畧

面而師之者可謂曠古一人而已有若考覈
詞藝之臧否振舉後生之行藏非唯立賢所
謂報國噫今之論者信僥倖之賊歟

馬不必騏驎要之善走浴不必江海要之去
垢苟華而不實而比周鼓譽者不爲君子腹
誹鮮矣

夫求知者匪言不通旣通者匪節不合得之
於內失之於外萬萬不能移也所以越石父

免於羈束未旋踵而責以非禮善窺其合而
已矣其有屬辭叙事言雖訐口知之者不其
咎歟苟異於是其如險詖何

士之謀身得之者以才失之者惟命達失二
揆宏道要樞可謂勤于脩己者與苟昧於斯
繫彼能否臨深履薄歧路紛如得之則恃已
所長失之則尤人不盡干祿之子能不慎諸
及知命也者足以引之而排觖望不足倚之

畧
而圖富貴倚之則事怠怠則智性昏引之則
感通通則尤怨弭故孔孟之言命蓋阨窮而
已矣有若立身慎行與聖哲同轍者則得喪
語默復何薑芥乎復何穹隆乎然士有死而
不忘者恩與知而已矣包子之誤放李翱之
奏章足以資笑談不足以彰事實有功成身
退冥心希夷者吾不得而齒矣
古人舉事之所難者大則赴湯火次則臨深

履薄李少卿又曰操空拳冒白刃聞者靡不
膽寒髮豎永爲子孫之戒噫危矣彼之得因
我也失亦因我也殊不知三百年來科第之
設草澤望之起家簪紱望之繼世孤寒失之
其族餒矣世祿失之其族絕矣愧彼爲裘之
義覩乎析薪之喻方之湯火深薄空拳冒刃
危在彼矣是知瓜李之嫌薏苡之謗斯不可
忘若邵鄭二子單進求名之志先其類雖順

坂之勢可惜而握苗之戒難忘名既靡揚得
之不求崔公脅制仁者所不爲也許蔡二公
所取者道也非爲名也莎錦之譬諱浪而已
才者璞也識者工也良璞投於賤工器之陋
也偉才任於鄙識行之缺也由是立身揚名
進德脩業苟昧乎識未有一其行藏者也矧
乃時之不來命或多蹇善惡蔽於反己得失
倖於尤人豈不驟達終危雖榮是辱非夫克

明躁靜之本洞究存亡之域臨財毋苟得臨
難毋苟免而能索身於坦夷者未之有也楊
子雲曰治亦鳳也美才高識其唯君子歟
無義而生不若有義而死邪曲而得不若正
直而失雖抱屈於一時竟垂裕於千載者費
得之矣比夫天地無全功聖人無全能者白
得之矣麟肝鳳髓不登於俎者其唯蔣君乎
工拙由人得喪者命非賢之咎伊時之病善

畧

不爲名而名隨之名不爲祿而祿從之苟異
於是不汨而小人之儒也尤人君子之儒也
反已詩曰風雨如晦鷄鳴不已

夫子口無擇言身無擇行言之遜人不以爲
諂言之危人不以爲訐蓋言與行契行由言
立故生人以來未有如某之聖者儒有用言
干進幾乎若乃交道匪終得言紀之者時則
有其人矣

語云當仁不讓於師顏氏子亦曰舜何人也
予何人也苟得其道自方於舜不爲之太過
苟失其道五尺童子能不鄙其妄與參以五
利受售不繫能否儒行缺矣輕薄之徒終喪
厥德旅葵之戒人子其惟慎諸

蕭琛以桃杖虎靴邢紹以絳綿糾髮所務先
設奇以動衆後務能以制人振天下之大名
爲一時之口實者也鄭公之服錦王公之衣

畧

顯得無意於彼乎苟名實相遠則服之不衷
身之災沈酬之失聖人所戒雖王佐之才得
以贖過其如名教何

構思明速稟生知乎用不以道利口而已矛
盾相攻其揆一也惜名掩善仁者所忌堯舜
其猶病諸

飛書毀謗自古有之言之公足以改過不公
足以推命睚眦讐之無益於己夫子之謂桓

魑孟子之稱臧倉其是之謂與

七情十義靡不宗於仁而祖於禮者矧乃四
科之本文不居先三益之門德常在首又何
片言小善辨口利辭垂於簡編侔於粉績者
也或曰不然夫人頂天踵地惟呼最靈有德
者未必無文其上也文不勝德其次也德不
勝文有若文德具美含元不耀者其惟聖人
乎奈何近世薄徒自爲岸谷以含毫紙墨爲

畧

末事以察言守分爲名流泊乎評品是非適較古今竟不能措一辭發一論者能無愧於心乎故僕雖題親詠折衝罇俎者皆列於門目斯所以旌表瞻敏而矛盾榛蕪也亦由辱以馬羈而俟之鶯谷知我者當免咎與若乃先達所傳臧否人物雖不研究根本皆可著鑑行藏莫匪正言足方周諺其有迹處皂隸而行同君子者苟遺而不言則取舍之道賤

賢而貴愚忠孝之本先華而後實七十子之徒其臣於季孟者亦其類而已

撫言贊

孰以顯廉臨財不苟孰以定交宏道則久窮乃益堅達以胡有無得無喪天長地久君子行之小人則否

舉孤棄讐聖人所美下展蔽善匹夫所鄙懿彼數公時行時止守道克勤薦賢不倚泠然

畧

所尚鴻儒不爲矣

撫言散序

定保生於咸通庚寅歲時屬南蠻騷動諸道
徵兵自是聯翩寇亂中土雖舊第太平里而
跡未嘗達京師故治平盛事罕得博聞然以
樂聞科第之美嘗諮訪於前達間如丞相吳
郡公宸翰林侍郎濮陽公融恩門右省李常
待渥顏夕拜薨從翁丞相溥從叔南海記室

渙其次同年盧十三延讓楊五十一贊圖崔
二十七籍若等十許人時蒙言及京華故事
靡不錄之於心退則編之於簡策始以進士
宴遊之盛案李肇舍人國史補云曲江大會
比爲下第舉人其筵席簡率器皿皆隔山拋
之屬比之席地幕天殆不相遠爾來漸加侈
靡皆爲上列所據向之下第舉人不復預矣
所以長安遊手之民自相鳩集目之爲進士

畧


團初則至寡泊大中咸通已來人數頗眾其
 有何士參者為之酋帥尤善主張筵席凡今
 年纔過關宴士參已備來年遊宴之費繇是
 四海之內水陸之珍靡不畢備時號長安三
 絕南院主事鄭容中書門下
張良佐并士參為三絕團司所由百餘
 輩各有所主大凡謝後便往期集院團司先
於主司
 宅則稅一大第與新人期集院內供帳宴饌卑於輦轂其
 日狀元與同年相見後便請一人為錄事舊例

率以狀元
為錄事其餘主宴主酒主樂採花主茶之
 類咸以其日辟之主樂兩人一主飲妓放榜
 後大開科頭兩人第一常詰旦至期集院常
 宴則小科頭主張大宴則大科頭縱無宴席
 科頭亦逐日請給茶錢平時不以數後
每人日五百文第一
 部樂官科地每日一千第二部五百見燭皆
 倍科頭皆重分逼曲江大會則先牒教坊請
 奏上御紫雲樓垂簾觀焉時或擬作樂則為



畧

之移日故曹松詩云追遊若遇三清樂行從
應妨一日春敕下後人置被袋例以圖障酒
器錢絹實其中逢花卽飲故張籍詩云無人
不借花園宿到處皆携酒器行其被袋狀元
錄事同檢點闕一則罰金曲江之宴行市羅
列長安幾於半空公卿家率以其日揀選東
牀車馬闔塞莫可殫述洎巢寇之亂不復舊
態矣



南漢文字 卷一

三

